



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-45-40547/20
Sarajevo, 11.11.2020. godine

23.11.2020

OPĆINA ILIJAŠ
Općinsko vijeće
126. Ilijaške brigade 6
n/r Sekretara

01/1

PREDMET: Odgovor na Zaključak Općinskog vijeća Ilijaš, dostavlja se

Kantonalna javna ustanova za zaštićena prirodna područja prosljedila je ovom Ministarstvu Zaključak Općinskog vijeća Ilijaš broj:01/1-02-2011-1-1/20 od 29.09.2020. godine, kojim se traži od pomenute Javne ustanove da se stanovnicima Općine Ilijaš omogući besplatan ulaz u Zaštićeni pejzaž "Bijambare", po modelu Spomenika prirode "Vrelo Bosne".

Tim povodom ističemo, da je u toku izrada planova upravljanja posjetiocima za ukupno tri zaštićena prirodna područja u Kantonu Sarajevo: Zaštićeni pejzaž "Bijambare", Zaštićeni pejzaž "Trebević", te Spomenik prirode "Vrelo Bosne". Pripremu navedenih dokumenata (koji trebaju biti kompatibilni sa planovima upravljanja zaštićenim područjima), prvih ovakvog karaktera, iniciralo je i finansiralo Ministarstvo prostornog uređenja, građenja i zaštite okoliša Kantona Sarajevo u saradnji sa UNDP-ijem, a izrađivač istih je firma ZaVita d.o.o. Ljubljana.

Potreba za planovima upravljanja posjetiocima javila se zbog činjenice da je u navedenim zaštićenim područjima broj posjeta u stalnom porastu posljednjih godina, što rezultira sve većim pritiskom na ova područja, a time i poteškoćama u smislu održivog upravljanja, korištenja i zaštite istih. Stoga je cilj pripreme planova upravljanja posjetiocima da se omogući posjećivanje zaštićenih područja na način koji će, s jedne strane posjetiocima pružati svojevrsan i neponovljiv doživljaj u prirodi, dok će sa druge strane osigurati da posjećivanje neće imati negativnih utjecaja na ciljeve i mjere zaštite prirode. U tom smislu će se u okviru plana upravljanja odrediti i prihvatljivi kapaciteti posjećivanja pojedinih područja, koji će dalje definisati mjere i usmjeravanje posjetioca u prostoru, a prijedlog sistema naplate ulaza u zaštićeno područje biće jedna od ključnih mjera. Projekat je u fazi analize trenutnog stanja, a izrada prijedloga planova upravljanja posjetiocima predviđena je za prvu polovinu 2021. godine, nakon čega će se moći sagledati i predmetni Zaključak Općinskog vijeća Ilijaš.

S poštovanjem,

Dostaviti:

- ☒ Naslov
- Kantonalna javna ustanova za zaštićena prirodna područja, Branilaca Sarajeva 28/1, n/r direktora
- a/a



MINISTAR

Faruk Kapdžić, dipl.ing.arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

